

# Straeon mudo i Gymru

Cip-olwg o hanes mudo i Gymru



Ariennir gan  
**Lywodraeth Cymru**  
Funded by  
**Welsh Government**

# Pam fod pobl yn mudo?

Mae pobl yn mudo am nifer o resymau gwahanol, gan gynnwys ffactorau economaidd, cymdeithasol, gwleidyddol ac amgylcheddol. Mae mudo yn fater cymhleth sy'n cael ei dylanwadu gan ffactorau gwthio a thynnu, sy'n sbarduno unigolion neu grwpiau i adael a setlo mewn lleoliad newydd.



# Ffactorau gwthio a thynnu

Gwleidyddol

Amgylcheddol

Economaidd

Cymdeithasol

# Ffactorau gwleidyddol



Gall ansefydlogrwydd gwleidyddol orfodi pobl i ffoi o'u cartrefi i chwilio am fan diogel. Mae rhain yn cynnwys:

- erledigaeth
- diffyg hawliau dynol
- rhyfeloedd

Mae ffoaduriaid yn enghraifft dda o unigolion sydd wedi'u gorfodi i fudo am resymau gwleidyddol. Yn aml maent yn wynebu sefyllfaoedd sy'n peryglu'u bywydau yn eu mamwlad ac yn chwilio am loches (diogelwch) mewn gwledydd eraill.

# Ffactorau amgylcheddol



Gall trychinebau naturiol ddinistrio cymunedau'n llwyr a gorfodi pobl i symud dros dro neu'n barhaol, fel:

- corwyntoedd
- llifogydd
- cyfnodau o sychder
- daeargrynfeydd

Mae'r newid yn yr hinsawdd yn sbarduno mwy a mwy o bobl i fudo, wrth i lefel y môr godi, wrth i dir droi'n ddiffeithwch, ac wrth i dywydd eithafol olygu ei bod hi'n amhosibl byw neu gynnal bywoliaeth mewn rhai ardaloedd.

# Ffactorau economaidd



Mae nifer o bobl yn mudo i chwilio am gyfleoedd economaidd gwell, megis:

- cyflogau uwch
- mwy o swyddi
- gwell safonau byw

Gall ffactorau yn eu mamwlad wthio pobl i chwilio am gyfleoedd gwell mewn man arall, fel:

- tlodi
- diweithdra
- diffyg mynediad at adnoddau
- rhagolygon economaidd gwae

# Ffactorau cymdeithasol



Gall pobl fudo i ymuno ag aelodau o'r teulu sydd wedi setlo yn barod mewn lleoliad arall.

Mae'r math yma o fudo yn aml wedi'i sbarduno gan yr awydd i

- ailuno'r teulu
- y gobaith o adeiladu rhwydweithiau cymdeithasol cryfach.

Hefyd, gall unigolion fudo am resymau addysgol, i chwilio am addysg well na'r un sydd ar gael yn eu mamwlad.

Pam mae pobl yn mudo?  
Dewiswch o leiaf un o'r opsiynau  
am bob rheswm.

- Economaidd
- Gwleidyddol
- Cymdeithasol
- Amgylcheddol

